

Каъбанинг ҳалқасимон қилиб айлантириб чиқилган белбоғи остидаги битиклар



17:11 / 23.07.2025 1579

Каъба устидаги ипак матонинг мултазам эшиги томонидан бошқа барча томонида учтадан қандилга ўхшаш тикилган кашта бор. Мултазам томонда эса катта бир бўлак тикилган нарса бор. У «Ихда» деб номланади. Матонинг ҳар рукнида тўртбурчак тикилган кашта бўлиб, у «Сомадийя» деб аталади. Ана шу бўлакка Ихлос сураси ёзиб қўйилган. Ҳар бирининг ҳажми 82x85 см. Аммо тўртта томондаги учтадан қилинган қандиллар қуйидагичадир:

1. Ҳажми — 72x58 см. «Алҳамдулиллаҳи Роббил алабийн», деб ёзилган.
2. Ҳажми — 46x65 см. «Йа Ҳайю, йа Қойюму», деб ёзилган.
3. Ҳажми — 46x65 см. «Йа Роҳману, йа Роҳийму», деб ёзилган.

Мултазам эшиги томонда «Ихда» деб номланган бўлак 490 см.

Мазкур ипак мато Маккаи Мукаррамада ишлаб чиқарилган. Уни Каъбага икки шарафли ҳарам ходими Фаҳд ибн Абдулазиз ҳадя қилган.

Хатим томондаги битиклар

Шимолий томонда қуйидаги оятлар ёзилган:

Меҳрибон ва раҳмли Аллоҳ номи билан бошлайман.

1. «(Эй Муҳаммад алайҳиссалом), **бандаларимга ёлғиз Менинг Ўзимгина мағфиратли, меҳрибон эканлигимни хабар беринг**» (Ҳижр сураси, 49-оят).

Бу оят ёзилган ўрин 240 см.

2. «(Эй Муҳаммад алайҳиссалом), **бандаларим сиздан Мен ҳақимда сўрасалар, Мен уларга якинман. Менга дуо қилган пайтларида дуогўйларнинг дуосини ижобат қиламан**» (Бақара сураси, 186-оят).

Бу оят ёзилган ўрин 243 см.

Эшикка қарама-қарши томондаги битиклар

(Каъбанинг орқа томони)

Меҳрибон ва раҳмли Аллоҳ номи билан бошлайман.

1. «**Мўминларга хушxabар берингки, шак-шубҳасиз, улар учун Аллоҳ томонидан катта фазлу марҳамат бордир**» (Аҳзоб сураси, 47-оят).

Бу оят ёзилган ўрин 244 см.

2. «**Ким бирор-бир ёмон иш қилса ёки Аллоҳнинг буйруқларига итоат этмасдан ўз жонига жабр қилса, сўнгра Аллоҳдан мағфират сўраса, Аллоҳнинг мағфират қилгувчи ва меҳрибон эканини топар-кўрар**» (Нисо сураси, 110-оят).

Ҳажарул асвад билан Рукни Яманий оралиғидаги битиклар

Меҳрибон ва раҳмли Аллоҳ номи билан бошлайман.

1. «**Иш шудир. Ким Аллоҳ қонунларини ҳурмат қилса, бас, албатта бу ҳурмат дилларнинг тақводорлиги сабабли бўлур**» (Ҳаж сураси, 32-

оят).

Бу оят ёзилган ўрин 242 см.

2. «Мен тавба қилган ҳамда иймон келтириб яхши амаллар қилган, сўнгра тўғри йўлга юрган кишиларни мағфират қилгувчидирман»
(Тоҳо сураси, 82-оят).

Бу оят ёзилган ўрин 237 см.

Мулоҳаза

Ипак мато устига бадий шаклда ёзилган битиклар доим бир кўринишда туравермайди. Балки баъзи вақтларда ўзгаришлар бўлиб туради. Бундан мақсад янада афзалроғига етишишдир. Албатта, бу нарса масъул шахслар рози бўлганларидан кейин амалга оширилади.

***Макка, Каъба, Замзам тарихи, ҳаж ва умра маносиклари»
китобидан.***

Ўзбекистон Республикаси Дин ишлари бўйича қўмитанинг 2022 йил 7 сентябрдаги 03-07/6905-рақамли хулосаси асосида тайёрланди.